

“Siú-hō Tâi-ôan” Chôan-kì-liók

Iâu Chì-liông

“Lí chêng Chóng-thóng Teng-hui” hoat-khí lèk-sú-sèng ê oáh-tāng òng-bāng ū chhiau-kòe 100-bān lāng “chhiú-khan-chhiú siú-hō Tâi-ôan,” góa tī bāng-lō khòaⁿ-tiòh “sò-ūi tián-chông lèk-sú 數位典藏歷史” teh tin-kiū hip-siōng gī-kang ê sí, góa kóaⁿ-kín tī bāng-lō lâi ôan-sêng pò-miâ. Che sī lán 400-nî lâi thâu chit-pái ê tōa tãi-chì, chôan-thé ū kiōng-tông lí-liām ê peh-siⁿ chò-hóe beh lâu--lòh chin súi ê lèk-sú kì-sū, góa tong-jiân ài chham-ka koh ài siūⁿ pān-hoat m̄-sī tī hia khiā nā-tiāⁿ, in-ūi kan-ta tī hia khiā siuⁿ-kòe-thâu bô-chhái.

2-gòeh 28-jit sī pài-lák, thiⁿ-khì chin hó. Iáu-bōe 9-tiám góa tō kóaⁿ-kín khui-chhia khi Lâm-á-kheⁿ tōaⁿ. Góa só hun-phòe tiòh Tâi-thng lō-tōaⁿ lóng-chóng ū nng kong-lí ê chek-jīm-khu. “Tâi-it-sòaⁿ” séng-kong-lō í-keng ū chin chē lāng pí góa khah chá, tī ták-ê tiám teh chéng-lí tiūⁿ-pāng, chún-pī sè-ki kap tōa-ki ê kí-á, chún-pī kún-chúi kap í-thâu-á, thê-kiong pit-iàu ê i-liâu khi-chhái. Khòaⁿ-tiòh tãi-ke lóng chò kah chiok hoaⁿ-hí. Siāng tiōng-iàu..ê lóng-sī chū-tōng chū-hoat lâi chham-ka. Gôan-pún góa sī beh seng liáu-kái hiān-tiūⁿ tō hó, khòaⁿ tiòh án-ne góa má-siōng kái-piàn sim-ì lâu tī hiān-tiūⁿ tàu chò khang-khòe, tông-sī koh hiòng-chêng cháu kàu Kong-san iân-lō ták só-chāi lóng í-keng chin chē lāng tī lō-piⁿ, tī chhiū-á-kha teh thèng-hāu 2 tiám 28 hun ê oáh-tāng, tãi-ke lóng chhiò-bi-bi. Hit-sī góa khòaⁿ chit-ē-á chhiú-piò--leh! Chiah 10 tiám gōa nā-tiāⁿ.

Sī-kan lú pek-kīn, chiáh tióng-tàu āu tō jīn-san jīn-hái, ná chhin-chhiūⁿ teh pān tōa hí-iàn, mā ná teh chò-chiò--leh. Lō-piⁿ bô khiā-ke bô kong-ú, sī tui tó-ūi piàn hiah chē

lāng chhut--lâi? Jīn-bīn ê khui-lát tī chit-sī hián-hiān, lóng-sī phoh-sit kó-ì koh khó-ài ê hiong-chhin lâi chham-ú..ê! Chin-chiàⁿ ū kàu chē lāng, ū chē lūn-í ê hiong-chhin, ū chôan-ke tōa-tōa sè-sè lóng chhut-tōng..ê, ū chit-tui chit-tui ê siàu-liân-ke, liân thióng-bút (káu-á, niau-á) mā chhōa-chhōa chhut lâi tàu nāu-jiát. Ko-hiōng koh-ū chū-iōng ê khi-chhia kái-chong chò hoe-chhia lóng-chóng 10 gōa tãi. Tī jít-thâu tióng-ng bô lāng hiām jòah, iân-lō ê kang-chhiūⁿ ū thâu-ke bián-hui thê-kiong liang-chúi kap chúi-kó, ū lāng chhut-lâi tãi-niá chhiūⁿ koa, ū lāng tōa-siaⁿ hoah! Tâi-ôan ka-iū! Tâi-ôan bān-sòe!

2 tiám 10 hun ê sí kí-hái iāⁿ bô theng, lāng chē kah í-keng m̄-chai beh pài kúi pài? Góa hip-siōng hip kah chin kám-tōng, hut-jiân kám-kak lán ê hiong-chhin lâm..ê lóng chin ian-tâu, lú..ê lóng chin iau-kiau bí-lē, sui-jiân lai-saⁿ lâu koaⁿ lâu kah tâm-kô-kô, it-chhè ê hù-chhut lóng chin ū ì-gī! Khiā-tī lō-piⁿ chún-pī beh khan-chhiú siú-hō Tâi-ôan ê hiong-chhin sī chē kah piàn kui-chhop kui-chhop khiā chò-hóe, ū-ê só-chāi sī chhiau-kòe 6-7 pài, nā chiàu thóng-kè-hák ê kè-sng hong-hoat lâi thóng-kè, choan-ka tī lō-bóe ū hoat-piáu eng-kai sī chhiau-kòe 250 bān lāng í-siōng lâi chham-ú chit-pái ê oáh-tāng. Khong-tiong put-sī ū sió hui-ki poe-lâi poe-khi, lō--nih ê kà-sú mā ká thang-á-mng iō--lòh--lâi tãi-ke hō-siōng *say Hello!* Kòe-khi tiām-tiām bô ì-kiàn ê hiong-chhin tī chit-jit lóng chiong in sim-lāi ê jiát-chêng piáu-hiān tī chôan-sè-kài ê bīn-chêng (múi-thé ū chhiau-kòe 150 ê tan-ūi lâi chhái-hóng). Kūn-chiòng lai ū Hō-ló-lāng, ū gōa-séng ê tông-pau, ū Kheh-ka ê hiong-chhin, ū Gôan-chū-bīn. Tī 2004/02/28 lán ê chók-kūn tōa-thoan-kiat, tãi-ke lóng-sī hó chhū-piⁿ, lóng-sī chin-chiàⁿ thiàⁿ-sioh lán ê hiong-thó ê hó kok-bīn. Chin

êng-hêng góa ũ kiàn-chèng tiòh chit-tōaⁿ chin ũ ì-gī ê lék-sú. Lán chiong kòe-khì 228 ê pi-chêng piàn-chòe tãi-ke chò-hóe “siú-hō Tâi-oân”. Sui-jiân sī khiā tī lō-piⁿ chêng-chêng khan-chhiú nā-tiāⁿ, chóng-sī chôn-sè-kài ê lêng lóng teh kim-kim-khòaⁿ Tâi-oân-lâng chin chiàⁿ tát-tit lêng chun-kèng! Chán!

Góa tī chit-pang ê oáh-tāng tiong hip 150 gōa tiuⁿ ê siòng-phìⁿ chôn-pō thôn khi sò-ūi ê bāng-chām, tī hit-ê tông-sī ũ 1500 gī-kang chham-ú hip-siōng ê kang-chok, bók-chêng í-keng chéng-lí hó-sè iā khai-hòng bāng-chām hō tãi-ke lóng ē-tit-thang tī bāng-chām lái khòaⁿ-tiòh lán chò-hóe siá ê lék-sú.

Bāng-chām ê ũi-chí: www@cotaiwan.info



Kap Kàu-iók-pō Pō-tiúⁿ Hōe-tâm Pò-kò

Tâi-lô-hōe Hōe-tiúⁿ
Lím Chheng-siāng

Tâi-ke pêng-an, CTT.

Koan-û 2003/5/23 kap Tēⁿ Liông-úi/
Tiuⁿ Jū-hông 2-ūi kàu-siū khi kìⁿ Kàu-iók-pō
(KIP) pō-tiúⁿ ê chêng-hêng, góa í-keng tī
tiān-ōe tiong kap Phek-siū hiaⁿ chham A-hūi
kóng--kòe ah. Chit-má chò chit-kóa
pó-chhiong pò-kò:

1. Gōan-pún Ún-giân kóng ũ 1-ê pháíⁿ
siau-sit, kóng KIP m̄-hō Jū-hông kap góa
khi. Che kàu bóe..á piàn-chò m̄-sī sū-sit.
Góa cha-hng-chái 7:30 sái-chhia khi
Hô-pêng Tang-lō chiap Jū-hông. Iáu-bōe
8-tiám tō jip-khì KIP. Pō-tiúⁿ ê ki-iàu
pì-su chai-íáⁿ góan sī chin-chêng ũ kap
pō-tiúⁿ iok hó-sè ah, chin hó-lé, phāng

sio-tê chhiáⁿ góan tī pō-tiúⁿ
pān-kong-sek piⁿ--á ê choan-iōng
hōe-gī-sek tán. Góan 2-lâng sī
cha-hng-chái kìⁿ pō-tiúⁿ ê 7-ê-lâng
lāi-té siōng chá kàu..ê: Tēⁿ kàu-siū, Tiuⁿ
kàu-siū, góa, Chng Phek-lím lút-su, Âng
Ūi-jîn kàu-siū, Iáu Êng-siōng kàu-siū,
kap Chhòa Kim-an táng-sū-tiúⁿ.
Hiān-tiúⁿ tong-jiân sī pō-tiúⁿ Ng
Êng-chhun chú-chhi, lêng-gōa ũ 1-ê KIP
ê hōe-gī kì-liók jîn-oân.

2. Ng pō-tiúⁿ "khai-chhâng-pai" kóng ê òe
kap A-hūi pò-kò: 5/21 pài-3 i chiap-kìⁿ í
Tiúⁿ-lò kàu-hōe ũi-chú ê siā-ūn
thôn-thé, iau-kiū chè-tēng POJ
chiáⁿ-chò piau-chún Tâi-oân LMJ,
tui-jîn POJ ê lék-sú tē-ūi kap thiat-siau
í-chêng chêng-hú ũi-hóan hián-hoat ê
kìm-chí/chhú-thê POJ ê hêng-chêng
bēng-lēng téng-téng ê sò-kiū, lóng
kāng-khóan.

Tiòh-sī kóng, KIP bô khó-lēng chè-tēng
1-thò LMJ hō chôn Tâi-oân ê lêng
sú-iōng. He siōng-hó sī iū hák-sút
thôn-thé giân-kiù liáu-āu, bān-bān-á hō
siā-hōe tãi-chiòng chiap-siū, chū-jiân
hêng-sēng, bô pit-iàu chêng-tī lék-liōng
kài-jip. M̄-koh, i koh thèh-khí, KIP beh
tī chòe-kīn ê chiong-lái pêng-kám í-keng
chhut-pán ê bó-gí kàu-chái.

3. Sòa--lòh-khì, pō-tiúⁿ kóng POJ
chit-pêng ê sò-kiū pài-3 í-keng
thiaⁿ--kòe, chit-má chhiáⁿ Âng Ūi-jîn
chiū i ê liân-sú siaⁿ-bēng hoat-piáu i ê
khòaⁿ-hoat. (Kî-sit Âng Ūi-jîn ũ kià kòe
1-tiuⁿ chhêng-gōan-su hō A-píⁿ..á,
Hêng-chêng-īⁿ Iū Sek-khun īⁿ-tiúⁿ kap
KIP pō-tiúⁿ, kóng kāng-khóan bô-sū-sit
ê òe, mē Tēⁿ kàu-siū chin-chē
pháiⁿ-thiaⁿ-ōe, chú-iàu sī beh iau-kiū
thiat-ōaⁿ Kok-thui-hōe(KTH)
chú-jīm-úi-oân Tēⁿ kàu-siū.)